

CRITERIOS DE CORRECCIÓN, VALORACIÓN E SUPERACIÓN DO SEGUNDO EXERCICIO PARA O INGRESO, POLA QUENDA DE ACCESO LIBRE E DE PROMOCIÓN INTERNA, NO CORPO SUPERIOR DA ADMINISTRACIÓN XERAL DA COMUNIDADE AUTÓNOMA DE GALICIA, SUBGRUPO A1, ESCALA SUPERIOR DE ORIENTACIÓN LABORAL

En sesión que tivo lugar o 20 de febreiro de 2025, o tribunal nomeado por Resolución de 30 de setembro de 2024 (DOG núm.191 do 3/10/2024) para cualificar o proceso selectivo para o ingreso, pola quenda de acceso libre e de promoción interna, no corpo superior da Administración xeral da Comunidade Autónoma de Galicia, subgrupo A1, escala superior de orientación laboral, acordou establecer os criterios de corrección, valoración e superación do segundo exercicio do proceso selectivo, de conformidade coa base II.1.1.2 da convocatoria.

1. CUESTIÓNS XERAIS ESTABLECIDAS NAS BASES DA CONVOCATORIA

As persoas aspirantes deberán desenvolver por escrito dous (2) temas, a elixir entre cinco (5), obtidos mediante sorteo de entre os que figuran na parte específica do programa.

O exercicio terá unha duración máxima de douscentos corenta (240) minutos.

O exercicio cualificarase de 0 a 50 puntos e para superalo será necesario obter un mínimo de vinte e cinco (25) puntos. Corresponderalle ao tribunal determinar o nivel de coñecementos exixido para acadar esta puntuación mínima.

O tribunal cualificará o exercicio valorando os coñecementos, a claridade, a orde de ideas e a calidade da expresión escrita.

2. DETERMINACIÓN DA SUPERACIÓN DA PROBA E DO NÚMERO DE APROBADOS

En cumprimento da potestade de determinación do criterio de superación do exercicio indicado, o Tribunal acordou:

1º Cada tema terá unha valoración máxima de 25 puntos. A valoración do exercicio obterase pola suma das puntuacións obtidas na valoración de cada tema. Para superar o exercicio será necesario obter un mínimo de 25 puntos.

2º Para a valoración dos exercicios, de acordo co artigo 60 das Instrucións de funcionamento dos tribunais, a cualificación de cada aspirante determinarase, logo do intercambio de opinións e valoracións por parte dos integrantes do tribunal, calculando as notas que correspondan a cada exercicio en función das cualificacións outorgadas por cada un dos membros daquel, excluindo a nota máis alta e máis baixa, sendo a nota final da persoa aspirante a media aritmética das notas válidas non excluídas.

3º Para cada un dos temas valoraranse os coñecementos, a claridade, a orde de ideas e a calidade de expresión escrita, de conformidade co establecido na base II.1.1.2.



Con relación aos coñecementos valorarase que o material e fontes de información dos contidos dos temas estean actualizados de conformidade coa base II.1 da convocatoria e que a súa exposición se faga cunha redacción clara, ordenada e rigorosa. Valorarase tamén que o conxunto do exercicio estea equilibrado, completo e compensado no seu contido.

4º O exercicio cualificarase de 0 a 50 puntos. Superarán o segundo exercicio as persoas aspirantes que, logo da valoración segundo o indicado no apartado anterior, acaden unha cualificación final do total do exercicio igual ou superior a 25 puntos.

Santiago de Compostela, asinado dixitalmente.

Presidenta do tribunal

Antía Tuñas Caamaño

